



## ***JABATAN PERKHIDMATAN VETERINAR MALAYSIA***

### **LAPORAN LIPUTAN MEDIA**

| <b>Isnin, 14 Februari 2022</b> |                                                                         |
|--------------------------------|-------------------------------------------------------------------------|
|                                |                                                                         |
| 1                              | Dasar galak tanam jagung dirangka                                       |
|                                |                                                                         |
| 2                              | Gred AA RM13.90 sepapan                                                 |
|                                |                                                                         |
| 3                              | Kerajaan belum buat keputusan lanjut beri subsidi kepada penternak ayam |
|                                |                                                                         |
| 4                              | Using tapioca, crickets as chicken feed can reduce chicken price        |
|                                |                                                                         |

DISEDIAKAN OLEH:

**SEKSYEN KOMUNIKASI KORPORAT  
JABATAN PERKHIDMATAN VETERINAR MALAYSIA**

| TARIKH    | MEDIA            | RUANGAN  | MUKA SURAT |
|-----------|------------------|----------|------------|
| 14.2.2022 | BERITA<br>HARIAN | NASIONAL | 14         |

# Dasar galak tanam jagung dirangka

## Usaha tampung permintaan makanan haiwan ternakan, kawal harga ayam

Oleh M Hifzuddin Ikhsan  
hifzuddin@bh.com.my

**Alor Setar:** Kerajaan sedang merangka dasar baharu bagi menggalakkan penanaman jagung secara meluas di negara ini untuk mengurangkan kebergantungan kepada jagung import, yang menyebabkan kenaikan harga ayam.

Menteri Pertanian dan Industri Makanan, Datuk Seri Dr Ronald Kiandee, berkata penanaman jagung secara komersial itu diharapkan dapat menampung permintaan makanan haiwan ternakan tempatan, sekali gus mengawal harga ayam di pasaran.

“Industri penternakan kita bergantung kepada makanan import yang berdasarkan harga pasaran antarabangsa.

“Kenaikan harga jagung import yang menjadi bahan makanan utama ternakan ayam menjadi antara punca kenaikan harga ayam di pasaran tempatan, sekali gus membebankan pengguna,” katanya pada sidang media, di sini, semalam.

Terdahulu, beliau menghadiri Majlis Pelancaran Program SMART Sawah Berskala Besar (SMART SBB) bagi Kawasan Muda.

Yang turut hadir, EXCO Pertanian dan Industri Makanan negeri, Azman Nasrudin dan Pengerusi Lembaga Kemajuan Pertanian Muda (MADA), Ahmad Tarmizi Sulaiman.

Pada masa sama, beliau berkata, kerajaan belum memutuskan untuk melanjutkan pemberian subsidi kepada penternak ayam, yang tamat pada Jun depan berikutan masih memantau harga ayam.

Katanya, pemberian subsidi yang pertama kali terpaksa dilaksanakan memberi implikasi kewangan lebih RM500 juta kepada kerajaan.

Jelasnya, tujuan pemberian subsidi berkenaan adalah bagi memastikan harga ayam kekal di bawah RM9 sekilogram berbanding harga sebenar pasaran yang sepatutnya mencecah sehingga RM9.90.

Selain itu, beliau berkata, kerajaan tidak akan mewajibkan pesawah di negara ini menyertai skim SMART SBB berikutan program itu ditawarkan secara sukarela. Beliau berkata, pesawah masih diberi kebebasan memilih skim berkenaan atau meneruskan pengurusan sawah secara persendirian, termasuk menanggung segala kos.

Katanya, skim SMART SBB yang dilaksana di Selangor, Perak dan Perlis meningkatkan pengeluaran padi sehingga 12 tan metrik per hektar, hasil pengurusan ladang yang cekap serta penggunaan teknologi.

| TARIKH    | MEDIA        | RUANGAN | MUKA SURAT |
|-----------|--------------|---------|------------|
| 14.2.2022 | HARIAN METRO | LOKAL   | 11         |

Geh Hafidzul Hilmi  
Mohd Noor  
hafidzul@hmetro.com.my

Kuala Lumpur

Bekalan telur ayam yang terhad di sekitar Lembah Klang menyebabkan berlaku kenaikan harga bahan mentah itu.

Tinjauan di pasar, pasar raya dan kedai runcit sekitar Lembah Klang mendapati kebanyakan peniaga menjual harga telur gred AA dengan harga RM13.50 sehingga RM13.90 sepapan.

Berlaku kenaikan harga berbanding dahulu yang dijual sekitar RM12.50 sepapan dan turut dikesan berlaku kenaikan bagi telur ayam gred B dan C.

Peniaga telur di Pasar Seksyen 6, Shah Alam, Norliza Shafie, 50, berkata, bekalan telur ayam sangat terhad dan berlaku kenaikan harga kebelakangan ini.

"Pembekal hanya membekal telur kira-kira separuh daripada pesanan dibuat, contohnya kita memesan 100 papan telur ayam, namun pembekal hanya membekalkan 50 papan.

"Pembekal akan memaklumkan telur ayam amat terhad dan tiada. Saya hanya menjual telur ayam gred AA sahaja dan ia amat men-

## Gred AA RM13.90 sepapan

Bekalan telur ayam amat terhad, peniaga hanya dapat separuh daripada pesanan



NORLIZA menyusun telur yang dijualnya di Pasar Seksyen 6, Shah Alam. - Gambar NSTP/HAIRUL ANUAR RAHIM

dapat sambutan," katanya ketika ditemui, semalam.

Sementara itu, pengguna, Nur Hatimah Yusof, 46, kecewa kerana bekalan telur ayam sukar didapati.

"Memang susah, ini hari kedua saya di sini dan terpaksa datang pagi kerana risau kehabisan stok telur ayam.

"Kebanyakan tempat yang saya pergi biasanya memang tidak ada stok kecuali terpaksa ke pasar harian dan membeli telur ayam gred AA," katanya.

Terdahulu, Suruhanjaya Persaingan Malaysia (MyCC) menubuhkan satu pasukan khas untuk menyiasat isu persaingan dalam industri berkaitan ayam dan telur ayam.

Menurut agensi itu, pihaknya akan mengambil tindakan ke atas sebarang tindakan sabotaj ekonomi terhadap rakyat melalui elemen kartel atau penyalahgunaan kuasa dominan serta monopoli dalam industri ayam serta telur ayam di negara ini.



## Kerajaan belum buat keputusan lanjut beri subsidi kepada penternak ayam

**ALOR SETAR** - Kerajaan belum memutuskan sama ada akan melanjutkan pemberian subsidi kepada penternak ayam yang dilaksanakan berikutan isu kenaikan harga ayam ketika ini.

Menteri Pertanian dan Industri Makanan, Datuk Seri Dr Ronald Kiandee berkata, pemberian subsidi empat bulan mulai 5 Februari hingga 4 Jun itu membabitkan peruntukan lebih RM500 juta.

Katanya, pemberian subsidi berkenaan terpaksa dilaksanakan bagi memastikan harga ayam kekal di bawah paras RM9 sekilogram berbanding harga sebenar pasaran yang sepatutnya mencecah sehingga RM9.90.

“Pada ketika ini kerajaan tidak boleh kurangkan harga import jagung, oleh itu kerajaan putuskan beri subsidi kepada penternak untuk memastikan harga pasaran ayam pada kadar kurang RM9.

“Tetapi apabila kita bagi subsidi, ia memberi kesan kewangan di mana kerajaan dijadual membayar lebih setengah bilion ringgit dalam tempoh empat bulan ke-

pada penternak,” katanya pada Ahad.

Menurutnya, dalam usaha mengawal harga ayam pada masa hadapan, kerajaan sedang merangka dasar baharu bagi menggalakkan penanaman jagung secara meluas di negara ini.

“Sekarang ini kita tidak tanam jagung secara komersial untuk makanan haiwan. Industri penternakan kita bergantung kepada makanan import yang berdasarkan harga pasaran antarabangsa.

“Jadi kita dalam proses mengolah dasar lebih agresif bagi melihat industri penanaman jagung dapat ditingkatkan bertujuan menampung kebergantungan kepada jagung import yang menyebabkan kenaikan harga ayam,” katanya.

Sebelum ini, kenaikan jagung import yang menjadi bahan makanan utama ternakan ayam menjadi antara punca kenaikan harga ayam di pasaran tempatan yang menyebabkan pengguna terbeban dengan harga ayam yang melambung.

## LONG-TERM MEASURE

## Using tapioca, crickets as chicken feed can reduce chicken price

**THE** latest chicken price increase has caused another stir.

The reason for the hike, as told by the authorities, is the increase in the price of chicken feed, which constitutes about 70 per cent of production costs.

Several measures have been implemented by the government in response to the issue such as setting a ceiling price through subsidies and increasing the volume of imported whole chicken.

The Agriculture and Food Industries Ministry is mulling the domestic production of grain corn as one of the long-term intervention measures, owing to the fact that almost 55 per cent of poultry feed is made up of corn.

Once in place, this would increase the percentage of locally sourced ingredients in chicken feed, which is less than 10 per cent.

However, no one has proposed to explore the use of alternative ingredients as chicken feed despite their potential and practicality.

Insects and tapioca, in particular,



Chicken feed makes up about 70 per cent of production costs. PIC BY HAIRUL ANUAR RAHIM

possess the ability to partially replace the conventional commercial poultry feed as suggested by research papers, including the ones published by local scientists, as well as by the Food and Agriculture Organisation.

In fact, they have been used by chicken farmers in several countries,

albeit not widely.

As chickens are naturally omnivores, adding insects like black soldier fly (BSF) larvae and crickets to their diet would not harm them as they would prey on these insects in the wild.

What's more, both insects are high

in essential amino acids and protein digestibility.

Studies have also found that the meat and eggs of insect-fed chickens are of equal (if not superior) quality.

The same goes for tapioca, whereby a number of studies stated that it could partially replace corn by up to 50 per cent without compromising on the weight gain and growth of broilers.

Crickets and BSF larvae are easy to breed. They thrive well in the tropical Malaysian climate and can be fed with human food waste, which makes them more cost-effective.

Tapioca, too, is economical as it is easy to grow and robust by nature. It can be cultivated on poor, degraded soils that are not suitable for other plants.

Apart from that, breeding crickets and BSF are not labour-intensive, neither do they need a wide area to grow well.

Chicken farmers can rear them on their farms and the government can convert underutilised spaces, abandoned buildings and construction

projects into breeding sites for these critters.

What we need is a series of multidisciplinary research involving entomologists, veterinarians and scientists to study each stage of the process—from the best food waste for the insects to the best ratio of each ingredient in the diet of chickens.

If these local ingredients are proven safe to replace the imported chicken feed, we can possibly lower the cost of chicken feed and reduce the price of chicken in the market.

It can also reduce our import bill, consequently strengthening our currency. This can also offer additional income to our citizens.

Hence, a more feasible and long-term measure to stabilise the chicken price is much needed and can be sustainable too.

**SHAHRIAL AMRI AB WAHAB  
SYAZLIANA KASIM**

Faculty of Business and Management, UiTM, Negri Sembilan branch, Rembau campus